



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.1881, datë 19.04.2012

Për

“Fillimin e procedimit administrativ për zgjidhjen e mosmarrëveshjes së interkoneksionit për shërbimin e akses origjinimit (OSHKP) midis sipërmarrësve Neofone sh.p.k. dhe Albanian Mobile Communications sh.a.”.

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

- | | | |
|----------------|------------|---------|
| 1. Z. Piro | Xhixho | Kryetar |
| 2. Z. Alban | Karapici | Anëtar |
| 3. Znj. Alketa | Mukavelati | Anëtar |
| 4. Z. Benon | Paloka | Anëtar |
| 5. Znj. Zamira | Nurçe | Anëtar |

dhe sekretare Znj. Marsida Drushku, në mbledhjen e datës 19.04.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

Fillimin e procedimit administrativ për zgjidhjen e mosmarrëveshjes së interkoneksionit për shërbimin e akses origjinimit (OSHKP) midis sipërmarrësve Neofone sh.p.k. dhe Albanian Mobile Communications sh.a.

BAZA LIGJORE:

1. Neni 120, të Ligjit nr. 9918, datë 19.05. 2008 “Për Komunikimet Elektronike në Republikën e Shqipërisë” (**Ligji nr. 9918**);
2. Neni 46 e vijues të Ligjit nr. 8485, datë 12.05.1999 “Kodi i Procedurave Administrative” (K.Pr.A);

3. Rregullore nr. 18 “Për procedurat e zgjidhjes se mosmarrëveshjeve”, miratuar me Vendim të Këshillit Drejtues të AKEP nr. 1296, datë 11.06.2010;
4. Rregullore nr. 19 “Për Aksesin dhe Interkoneksionin, miratuar VKD nr. 1300, datë 14.06.2010 e ndryshuar;
5. Pika 17 e nenit 21 të “Rregullores së Brendshme të AKEP (**Rregullorja e Brendshme**), miratuar me Vendim të Këshillit Drejtues të ERT-së, Nr. 170, datë 24. 04. 2004, e ndryshuar dhe në fuqi sipas pikës 3 të nenit 138 të Ligjit nr. 9918, datë 19.05.2008,

K Ë S H I L L I D R E J T U E S:

Nga shqyrtimi i materialit shkresor, të përbërë nga:

- Shkresa e Neofone sh.p.k., me nr. 108Prot., datë 7.10.2011, “*Ankim Administrativ*” drejtuar për kompetencë AKEP;
 - Shkresa e Neofone sh.p.k., me nr. 59Prot., datë 11.1.2012, “*Kërkesë për ofrimin e shërbimit të aksesit dhe origjinimit të thirrjeve drejt numrave të ofruesve të thirrjes me kartë të parapaguar të Neofone sh.p.k.*”;
 - Procesverbali i seancës paraprake dëgjimore mes palëve Neofone dhe AMC, mbajtur me datë 26.3.2012, në ambientet në AKEP.
 - Relacion shpjegues mbi Projekt-Vendimin (**Relacioni**);
 - si dhe,
- duke i’u referuar diskutimeve në mbledhje mbi çështjen, bazës ligjore të sipërcituar,

V Ë R E N:

1. Neofone sh.p.k., me shkresën nr. 142Prot., datë 2.3.2012, ka kërkuar shqyrtimin e ankimit administrativ me nr. 108Prot. datë 7.10.2012 për “*Moslidhjen e marrëveshjes së interkoneksionit për shërbimin e akses origjinimit*”, sqaron se:
Neofone sh.p.k. me shkresën nr. 108Prot., datë 7.10.2011, sqaron se, është regjistruar në regjistrin e sipërmarrësve si Operator Alternativ si operator i shërbimit të thirrjes me kartë të parapaguar me nr. Aneksi 0801535. Bazuar në kuadrin rregullator Neofone i ka dërguar disa kërkesa rradhazi operatorit Albanian Mobile Communication sh.a. në lidhje me implementimin dhe firmosjen e ankesit përkatës për shërbimin e akses origjinimit.
Duke qenës se AMC sh.a., po vazhdon të neglizhojë dhe po përdor të gjitha mënyrat vonuese për moszbatimin e këtij detyrimi të implementimit të shërbimit të thirrjes me kartë Neofone sh.p.k. ndjehet i detyruar të paraqesë mosmarrëveshjen në fjalë.
Neofone sh.p.k. ka paraqitur kërkesat me nr. 59Prot., datë 11.1.2011, nr. 88Prot., datë 2.6.2011 dhe 103Prot., datë 6.9.2011, kjo e fundit për tejkalimin e afateve ligjore në lidhje me kërkesën e Neofone për ofrimin e shërbimit të aksesit dhe origjinimit të thirrjeve drejt numrave me kartë të parapaguar (OSHKP);

Neofone sqaron se, ofrimi i këtij shërbimi do të ketë ndikim në:

- Krijimin e konkurrencës në tregun e akses origjinimit, treg i cili aktualisht është monopol i FNT, në kushtet ku zgjedhja/parazgjedhja e bartësit nuk është implementuar ende;
- Ofrimin e një shërbimi të plotë nga Neofone për tregun shqiptar pasi operatori AMC dicka me shumë se 35% të tregut të telefonisë mobile;
- Vonesat e krijuara nga AMC ndikojnë drejtpërdrejtë financiarisht tek të ardhurat dhe investimet e Neofone duke krijuar kosto financiare, që përbejnë një dëm të konsiderueshëm financiar.
- Uljen e tarifave, pasi ato të ofruara nga OFNT - AMC janë shumë të larta.

2. Neofone kërkon nga AKEP, zgjidhjen e kësaj mosmarrëveshjeje duke iu referuar nenit 60, 61, 120, 135, 137, të ligjit nr. 9918, dhe nenit 135 e vijues të Kodit të Procedurave Administrative. Neofone sh.p.k. i kërkon Këshillit Drejtues të AKEP,

1. Të dalë me një urdhër të posaçëm, në zbatim të nenit 60, të ligjit nr. 9918, duke e urdhëruar AMC sh.a. të implementojë në mënyrë të menjëhershme amendimin për marrëveshjen e interkoneksionit dhe ofrimin e shërbimit të akses origjinimit për operatorin Neofone sh.p.k.
2. Të përcaktojë në mënyrë eksplicite një afat kohor ligjor brenda të cilit AMC sh.a. të përmbushë detyrimet ligjore për implementimin juridik të amendimit të marrëveshjes së interkoneksionit, alokimit të kapaciteteve fizike, si dhe implementimin teknik për ofrimin e shërbimit të akses-origjinimit drejt operatorit Neofone sh.p.k.

3. Më datë 26.3.2012, ora 12:00, në ambientet e AKEP, mes palëve Neofone dhe AMC u zhvillua një seancë degjimore paraprake. Në këtë takim sqarues, palët dhanë shpjegimet e tyre sa i takon pretendimeve të ngritura për ofrimin e shërbimit të akses origjinimit të thirrjeve drejt numrave me kartë të parapaguar (OSHKP). Në fund të takimit palëve iu kërkua të gjejnë mirëkuptimin dhe të vënë në dijeni AKEP, brenda një jave për zhvillime të reja.

4. Në përfundim, duke qenë se palët Neofone sh.p.k. dhe Albanian Mobile Communications sh.a., megjithë përpjekjet e bëra edhe me ndërhyrjen e AKEP, nuk kanë arritur të bien dakord për lidhjen e marrëveshjes së interkoneksionit për ofrimin e shërbimit të akses origjinimit të thirrjeve drejt numrave me kartë të parapaguar, AKEP në zbatim të nenit 50 dhe në vijim të Ligjit nr. 9918, datë 19.05.2008 “Për komunikimet elektronike në Republikën e Shqipërisë” zgjidhja e mosmarrëveshjes midis sipërmarrësve mund të kryhet në bazë të kërkesës së një sipërmarrësi apo me iniciativën e AKEP,

P Ë R K Ë T O A R S Y E:

Bazuar në pikën 1 të nenit 114 dhe pikën 1 të nenit 115, të Ligjit nr. 9918, nenin 46 e vijues të K.Pr.A, si dhe pikën 17 të nenit 21 të Rregullores së Brendshme,

V E N D O S:

1. Të fillojë procedimim administrativ, për zgjidhjen e mosmarrëveshjes së interkoneksionit për shërbimin e akses origjinimit (OSHKP) midis Neofone sh.p.k. dhe Albanian Mobile Communications sh.a.;
2. Të ngrihet komisioni për zgjidhjen e mosmarrëveshjes me përbërje si:
 - Altin Rrapaj Kryetar
 - Jonida Gjika Anëtar
 - Përparim Buçaj Anëtar
 - Ded Jakaj Anëtar
 - Esmeralda Dervishi Anëtar
3. Të njoftohen palët e interesuara Neofone sh.p.k. dhe Albanian Mobile Communications sh.a. për fillimin e procedimit administrativ;
4. Palët të depozitojnë pretendimet e tyre me shkrim brenda 15 ditëve nga marrja e Vendimit;
5. Ky Vendim të publikohet në faqen e internetit të AKEP: www.akep.al

Ky Vendim hyn në fuqi në datën e miratimit të tij.

K R Y E T A R I
Piro XHIXHO

ANËTARË:

1. Alban KARAPICI
2. Alketa MUKAVELATI
3. Benon PALOKA
4. Zamira NURÇE